

«ARMENIA» ՀԱՆԴԵՍԻ ԷՋԵՐԻՏ

Դ. Պ. ՍՐԱՊՅԱՆ

Հայ լրագրության պատմության մեջ ուրույն տեղ ունեն անգլերեն լույս տեսած հայկական պարբերականները, որոնք անգլիախոս աշխարհին ծանոթացրել են հայ ժողովրդի հին ու հարուստ մշակույթին և կատարել հայանըպաստ մեծ աշխատանք:

Բայց, ցավոք, անգլերեն հայ պարբերականների մասին մինչև այսօր ոչ մի ուսումնասիրություն չկա, ուստի և չի գնահատված վերջիններիս տեղը հայ մամուլի պատմության մեջ:

Հայկական պարբերականների մեջ առանձնակի նշանակություն ունի անգլերեն «Արմենիա» հանգեսը, որն իր գոյության ընթացքում՝ 1904—1929 թթ. երկու անգամ փոխել է իր անունը, իսկ մեկ անգամ՝ հրատարակության վայրը: 1913 թ. փոխադրվելով Նյու-Յորք, այն լույս է տեսել «Դը Օրիենթըլ Ուրլզ» (Արևելյան աշխարհ) խորագրով, իսկ հետո՝ 1914 թ. վերանվանվել է «Դը Նյու Արմենիա» (Նոր Հայաստան)¹:

«Արմենիան» սկսվել է հրատարակվել 1904 թ. հոկտեմբերին, Բոստոնի ամերիկահայ գաղութում: Հանդեսի պատվավոր խմբագիրներ են եղել մի շարք հայասեր ամերիկացիներ², Հանդեսի ծախսերը հոգալը, խմբագրելը, տարածելը, նոր համակիրներ ու աշխատակիցներ գտնելը մի հայկական հանձնախմբի պարտականությունն էր:

«Արմենիան» հրատարակվել է 3000 օրինակով, որից 1500-ը ձրի ուղարկվել է Եվրոպայի և Ամերիկայի նշանավոր անձանց՝ դիվանագետների, պառլամենտի անդամների, հոգևորականների և այլոց, իսկ 1200-ը հայերին³:

«Արմենիա» հանդեսի հետ սերտորեն կապված է Արշակ Տեր-Մահտեսյանի անունը: Նա սկզբից մինչև 1910 թ. խմբագրել է այն, իսկ 1910—1929 թթ. եղել է նաև տնօրենը:

Արշակ Տեր-Մահտեսյանի հայացքների, ձգտումների և նպատակների մասին դժվար է դադափար կազմել միայն «Արմենիա» հանդեսի նյութերի ուսումնասիրությամբ: Նա լավ էր հասկանում, որ անգլերեն պարբերակտնը միայն հայերի համար չէր և չի շոշափել գաղութում տեղ գտած միջկուսակցական պայքարի, կրոնական և այլ կենցաղային հարցեր: Բացի այդ, «Արմենիայի» էջերում նա շատ հավաղյուստ է սեփական հոգվածներով հանդես եկել Հայկական հարցի մասին, քաջ գիտակցելով, որ միայն պատմական կոնկրետ փաստերը և իրենց հիդինակավոր համաքաղաքացիների կարծիքը նշանակություն ունի օտար ընթերցողի համար:

Ժամանակակիցները մեծ գովեստով են խոսել Ա. Տեր-Մահտեսյանի և

¹ Այսուհետև գրելու ենք «Արմենիա»:

² Տե՛ս «Ամերիկահայ Տարեցույց», 1912, Ա. Տարի, էջ 140:

³ «Արժիվ», 1908, № 3, էջ 35:

նրա հրատարակած պարբերականների մասին: «Կոռուկը» 1950 թ. Արշակ Տևր-Մահտեսյանի մահվան առթիվ հրատարակած հոդվածում գրել է. «Ամերիկահայ մամուլը շատ ու շատ բան կը պարտի Մահտեսյանին, որ նախակարապետն իդավ այդ մարդին մեջ»: Ա. Ա. Պետիկյանը նրան համեմատելով Արշակ Զոպանյանի հետ, գրել է. «Ինչ որ Զոպանյանն իր կենդանության ժամանակ արել է, նվրոպալում, նույնն արեց Արշակ Մահտեսյանն Ամերիկայում. դարի սկզբից մինչև 1934 թ....», իսկ «Արմենիայի» մասին ավելացնում. «Ես իրերի անցած 35 տարիների ընթացքում, չեմ տեսել մի հրատարակություն անպիտանով, որը հրատարակվեր ավելի ճաշակով և բովանդակալից, քան «Դր» նյու Արմենիան»:

«Արմենիայի» նյութերը շատ են ու բազմադան: Մենք առանձնացրել ենք փոքր, բայց հայ ժողովրդի համար ճակատագրական մի ժամանակաշրջանի՝ 1904—1917 թթ. հրատարակված այն հոդվածները, որոնք ցույց են տալիս, թի ինչպես հայ ժողովուրդը տանջվում էր սուլթանական Թուրքիայի և ցարական Ռուսաստանի լծի տակ:

Ա. Տևր-Մահտեսյանն, ինչպես արդեն ասացինք, շատ քիչ է ինքնուրույն հոդվածներով հանդես իկել, բայց կարողացել է նյութերն այնպես ընտրել, որ այդ կերպ արտահայտել է իր գաղափարներն ու ձգտումները: Հանդեսում լույս տեսած հոդվածներն, հիմնականում ցույց են տալիս հայ ժողովրդի ողբերկական վիճակը թուրքական բռնապետության և մասամբ ցարական միապետության լծի տակ այն ժամանակ, երբ էնդլսի բնորոշմամբ, Հայաստանը դտնվում էր «թուրքական բռնակալության Սցիլլայի և ոռուսական խարիբդայի արանրում»⁶ դրանք բացահայտում են նաև մեծ տերությունների քաղաքականության էությունը Հայկական հարցի նկատմամբ:

Խոսկիով իր նպատակների և անկիքների մասին, «Արմենիան» գրել է, որ հայկական կոտորածների սարսափները բնականորեն մեծացրել են արդարության և աղատության մարտիկների համակրանքը հայ ժողովրդի նըկամամբ, և որ հանդեսի նպատակն է ցույց տալ քաղաքակիրթ աշխարհին հայ ժողովրդի անցյալ և ներկա վիճակը օսմանյան Թուրքիայի իրականություն միջ:

Թուրքական վարչակարգը բնութագրելիս «Արմենիան» բերում է դեռևս Ղրիմի պատերազմի ժամանակից թուրքական մեքենային քաջ ծանոթ անգլիական գեներալ Ուիլիամսի բնորոշումը. «Այն միապետական մի այնպիսի մերենա է, որը հավանաբար հավասարը չունի աշխարհում»: Մեքենա, որը միջոց էր ճնշելու, քամելու, նվաստացնելու ու սպանելու համար: Նրա ներքին քաղաքականության սուր ծայրն ուղղված էր քրիստոնյանների, հատկապես հայերի դեմ, իր առջև մի քստմենելի խնդիր ունենալով, հալածել հայերին, հասցնել ծայր աստիճան թշվառության, սովամահ անել և մեկընդմիշտ վերացնել երկրի երեսից: Նրանց քաջագործությունների վայրը,— գրել է նույն ղևհիրալը,— ընկած է գյուղերում, հատկապես այն գյուղերում, որոնք բնակեցված են քրիստոնյաներով»⁷: Ավելի ուշ շրջանի Թուրքիայի կառավարման սխտեմի մասին հանդեսը արտապել է «Բոստոն Թրանսքրիփից» մի հոդ-

⁴ «Կոռուկ», 1950, մայիսի 12, էջ 5:

⁵ «Armenian Mirror Spectator», 1950, հուլիսի 13, էջ 1:

⁶ К. Маркс и Ф. Энгельс, Сочинения, изд. 2-ое, т. 39, стр. 271.

⁷ «Արմենիա», 1904, № 2, էջ 4:

ված՝ «Զկառավարվող Թուրքիա» վերնագրով, որտեղ ասված է. «Ներկայումս, թվում է, թե թուրքական կայսրության մեջ վարչակարգ հիշեցնող ոչինչ գոյություն չունի, որը իրավամբ կարող է կառավարություն կոչվել»⁸։ Եվ երբ Աբդուլ Համիդին փոխարինելու էին եկել նրիտասարգ թուրքերը, որոնք ժառանգելով նրա հայաճալած քաղաքականությունը, այն հասցրին հրեշավոր շահերի, «Արմենիան» բնութագրելով նոր ռեժիմը և նրա իրագործողներին, տպագրել է էգ. Դիլունի «Նրիտասարգ թուրքերի ռեժիմի անհուսալիությունը» վերնագրով հոդվածը։ Հեղինակը, այստեղ, երիտթուրքերին անվանում է «տղայական քաղաքագետներ», որոնք «հավաքվել են գաղտնաբար, ձեռնարկել հեռուն գնացող քաղաքական գործողություններ, առանց հսկողության, առանց պատասխանատվության և երկիրը վերածում են ավերակների, առանց պատժից վախենալու»⁹։

«Արմենիան» անդրադարձել է և նաև Օսմանյան կայսրության հայաճալած քաղաքականության ձևերին ու մեթոդներին, որոնցից առաջինը բռնի ուժով ամբողջ գյուղեր իսլամացնելն էր։ Այդ կապակցությամբ Մարսել Նարդը պարբերականում մի շարք փաստեր է հրապարակել։ Նա գրել է, որ Բիթլիսի վիլայեթում 1800 թ. իսլամ են ընդունել խոյի և Սլիվանի շրջանները, 1820 թ. Թորթումի շրջանը, Իսփիրը և Էրզրումի վիլայեթում Բայբուրթը, 1830 թ. Համշենի և Յանբուլի շրջանները¹⁰։ Մյուս մեթոդը դա հարթավայրերի գյուղերի տեղի հայերին վտարելով այնտեղ քրդերով բնակեցնելն էր¹¹։ Բայց ամենածանրը հարկերն էին։ Օսմանյան կայսրությունը հարկերի հավաքման մեջ հատուկ իմաստ էր դնում, նախ՝ բնակչությանը հասցնել ծայրաստիճան աղքատության, երկրորդ՝ լեռնցիներին քշել դեպի հարթավայրերը. գրկելով նրանց իրենց բնական ամրոցներից, որպեսզի անհրաժեշտության դեպքում, նրանք դիմադրություն չցուցաբերեն¹²։ Օսմանյան իշխանությունների նպատակների իրագործմանը ծառայում էր նաև կրակը։ «Արմենիան» մեջբերում է արևի, դեռ 1876 թ. Էրզրումի ամբերիկյան հյուպատոսի զեկուցագրից, որտեղ հյուպատոսը խոսում է Վանում բռնկված հրդեհի մասին, որը հիմնահատակ էր արևի ավելի քան 1000 կառույց, իսկ կառավարությունը փոխանակ հանգցնելու այն, նպաստել էր հրդեհի տարածմանը¹³։ Հրդեհները հաճախակի երևույթներ էին հայկական գավառներում, որի համար էլ «Արմենիան» ընդգծել է, թե հրդեհի մասին այդ հաղորդագրությունները կասկածից դուրս են թողնում նրանց պատահական լինելը և որ դա կառավարության կողմից հայերին հալածելու մեթոդներից մեկն է¹⁴։

Հայտնի է, որ կոտորածները պետական ուժ ստացան XIX դարի 90-ական թվականներից, արյունարբու Աբդուլ Համիդի իշխանության օրերին։ Բևեռի կոնգրեսից հետո՝ Աբդուլ Համիդը և նրա համախոհներն իրենց առջև խնդիր դրեցին Հայկական հարցը լուծել ուրույն ձևով՝ հայերին բնաջինջ անելու միջոցով։

⁸ Նույն տեղում, 1904, № 1, էջ 52։

⁹ Նույն տեղում, 1912, № 6, էջ 169։

¹⁰ Նույն տեղում, 1913, հ. 7, № 2, էջ 37։

¹¹ Նույն տեղում, 1904, № 2, էջ 71։

¹² Նույն տեղում, 1905, № 5, էջ 54։

¹³ Նույն տեղում, 1905, № 10, էջ 11։

¹⁴ Նույն տեղում, 1904, № 1, էջ 46։

1895—1896 թթ. կոտորածներին «Արմենիան» անդրադարձել է առանձին հոդվածներով, իսկ ժամանակի դեպքերի մասին պարբերաբար հաղորդադրություններ է տպագրել «Դեպքերը Հայաստանում» կամ «Վիճակը Հայաստանում» խորագրերով: Խոսելով օսմանյան Թուրքիայում տրադիցիա դարձած կոտորածների մասին, հանդեսը հիշում է 1822 թ. Քիոսում սպանված 23000 հույն քրիստոնյաների, 1850 թ. Քրդիստանում 10000 նեոտորականների և հայերի, 1867 թ. Կրետեում քրիստոնյա երեխաների և կանանց, 1876 թ. 10000 բուլղարների և 1894—1896 թթ. հայերի կոտորածները: Իսկ այժմ, գրում է հանդեսը, պատմությունը կրկնում է ինքը իրեն¹⁵: Առաջին համաշխարհային պատերազմի ժամանակ՝ 1915 թ. սկսվեցին հայկական մասսայական կոտորածները: Այդ կոտորածների լուրը, շնայած թուրք կառավարության ձևոք առած խստազույն միջոցներին, իր ահավոր մանրամասնություններով տարածվեց աշխարհով մեկ: «Արմենիան» նույն 1915 թ. տպագրում է լեդուարդ Քլեմենտի «Սպանվող Հայաստան» ծավալուն հոդվածը, որտեղ հեղինակը խոսում է շարունակվող կոտորածների մասին¹⁶: Բացի հոդվածներից «Արմենիան» տպագրել է լուրեր Արևմտյան Հայաստանից և Թուրքիայի հայաշատ քաղաքներից «Վիճակը Հայաստանում» խորագրով:

Բնութագրելով հայերի վիճակը թուրքական լծի տակ, հանդեսը գրել է. «Հայ գյուղացին դատապարտված էր աշխատելու հօգուտ քրդերի և թուրքերի, տանելու նրանց ագահությունը, կրքերն ու կամայականությունները: Այս փոքրիկ տերերը ոչ միայն կողոպտում էին գյուղերը, պղծում նրանց կանանց և փախցնում աղջիկներին, այլև, անպատիժ կերպով սպանում էին նրանց տղամարդկանց, որոնք վործում էին դիմադրություն ցույց տալ»¹⁷: Մեկ ուրիշ տեղ բնագետ Հ. Մ. Բրեյլֆորդը, բնութագրելով XIX դարի վերջին և XX դարի սկզբին Թուրքիայում ապրող քրիստոնյաների վիճակը, գրել է. «...դա մի ենթակա ժողովուրդ է, որի կյանքը թունավորված է վախից և անարդարությունից: Կոչված է ընտրություն կատարելու համբերության, ամենօրյա շահադործման և անհողի ճնշումների միջև»¹⁸:

«Արմենիան», հանգամանորեն ցույց տալով թուրքական կայսրության մեջ ապրող հայերի ողբերգական վիճակը, միևնույն ժամանակ աշխատում է բացատրել հայ ժողովրդի և նրա հետ կապված թուրքական քաղաքականության մի բանի հարցեր: Նա հրատարակել է «Անօրինականություններից մինչև կազմակերպված ճնշումներ» վերնագրով մի առաջնորդող, որտեղ բազմաթիվ փաստերով ապացուցում է, որ այդ հալածանքները կառավարության կողմից որդեգրած, պարբերաբար կրկնվող քաղաքականության արգասիքն են¹⁹: Հանդեսը համամիտ չէ նաև եվրոպական մամուլում տարածված այն կարծիքին, թե թուրքական կառավարման «ապականության հետեանքով և՛ մուսուլմանները և՛ քրիստոնյաները տուժում են միահավասար»²⁰: Ի հակադրություն դրան, «Արմենիան» մեջբերում է անում «Սփիքը» (խոսող) ամսագրից, որը

15 նույն տեղում, 1904, № 2, էջ 41—47:

16 «Նյու Արմենիա», 1915, հ. 8, № 1, էջ 3—4:

17 «Արմենիա», 1904, № 2, էջ 4:

18 նույն տեղում, 1904, № 4, էջ 49:

19 նույն տեղում, 1904, № 2, էջ 4:

20 նույն տեղում, 1904, № 1, էջ 53:

գրել է. «մի մերկ ծպտյալ համակրանք կա պաշտոնյաների և տեղական մոլեռանգների միջև և որ քրիստոնյաները մի քանի անգամ ավելի շատ են կրում կառավարական ձնշումները քան մահմեդականները»²¹,

«Արմենիան» ժխտում է նաև այն սուտ լուրերը, որոնք տարածում էին Ռուրքոֆիները, թե իբր, թուրքական իշխանությունների հայահալած քաղաքականությունը պայմանավորված էր երկրի ներսում հայկական հեղափոխական շարժումներով:

Հալ աղզալին-աղատագրական շարժումները ծնունդ էին հայ ժողովրդի հալածական վիճակի և աղատության ու առաջադիմության բնական բողոքն էին ռեակցիոն բռնապետության դեմ: Այդ է ապացուցում «Արմենիայում» հրատարակված, բրիտանական դեսպան Սըր Ֆիլիպ Քրեյն ուղղված էրրլի պեկուցագիրը, որտեղ նա գրում է, որ Ռուստոմ փաշան 1895 թ. հայկական ճարդերը աշխատել է պատճառաբանել հեղափոխական շարժումներով. «Ես պատասխանեցի, որ ես միայն կարող եմ կրկնել իմ կարծիքը նորին Գեոաղանցության, որ, շնայած, անկասկածորեն, կային մի քանի հեղափոխական գործակալներ, բայց պատճառը ավելի խորն է ընկած և ծագել էր Ռուրքիայում իրենց վատ կառավարումից»²²:

«Արմենիան» ցարական իշխանության ներքո ապրող հայերի վիճակը լուսաբանմանը քիչ է անգրադարձել, գտնելով, որ «...հայերը ուսական իշխանության օրոք վայելում են կյանքի և ունեցվածքի ապահովություն և շատ ավելի լավ են, քան օսմանյան ձնշման ներքո»²³, բայց երբ 1905 թ. կեսերին, սլախատելով խանգարել տարբեր աղբյուրի միասնությունը, ցարիվմը աղզամիջյան կոփներ էր հրահրում երկրի ներսում հայ և մուսուլման տարրերի միջև, պարբերականը սկսում է անդրադառնալ ցարիվմի հակահայկական գործողություններին, վերլուծելով այն իր ուրույն տեսանկյունից: Անդրադառնալով այն խոստումներին և գովեստներին, որոնք Ռուսաստանը, նախքան Անգլերկովկասի գրավումը հայերի համակրանքը շահելու համար ժամանակ առ ժամանակ տալիս էր հայ ժողովրդին: Ամսագիրը գրել է Ալեքսանդր առաջինի հրամանագրի (1813 սկզբ. 15-ին), ներսև կաթողիկոսին Նիկոլայ առաջինի հղած ուղերձի (1827, փետր. 2-ին) և ուս-պարսկական պատերազմի ժամանակ տրված խոստումների մասին, որոնք հավատադնում էին հայերին, որ եթե պատերազմը վերջանա հօգուտ Ռուսաստանի, հայերը կստանան ինքնավարություն Ռուսաստանի հովանավորության տակ²⁴: Բայց պատերազմը վերջանալուն պես բոլոր խոստումները մոռացվեցին և «Հայկական անկախությունը ժխտվեց» — ցարիվմ գրում է «Արմենիան»:

«Արմենիան» քննադատել է և ցարիվմի ռուսականացման քաղաքականությունը, որի իրականացման համար կայսրությունը դիմում էր զանադատ միջոցների՝ ուսերենը դարձրել էր պարտադիր, փակել էր գավառական դպրոցները և վերջապես այդ նպատակին էր ծառայում 1903 թ. հունիսի 12-ին Նիկոլայ երկրորդի ստորագրած օրենքը, որով բռնագրավվում էր հայկական հողերը հաստատությունների շարժական և անշարժ գույքը: Համարյա բոլոր

²¹ Նույն տեղում, 1905, № 4, էջ 48:

²² Նույն տեղում, 1913, № 6, № 12, էջ 365:

²³ Նույն տեղում, 1905, № 9, էջ 23:

²⁴ Նույն տեղում, 1905, № 7, էջ 39—40:

հայկական պարբերականները, դրանց թվում և «Արմենիան» ցարական այս օրերը մեկնաբանեցին որպես հայկական հալածանքների ուժեղացում: «Սրբանք խիստ բայելի են,— դրում է «Արմենիան» — որոնք ձեռք են առնվել հայերի ռուսականացման համար»²⁵:

Ցարական կայսրության ծայրամասերի նկատմամբ տարվող ռուսականացման բաղաբականության հիմնական նպատակն էր այլադպիսիներին զրկել իրենց մշակույթից, լեզվից, իսկ երկիրը դարձնել կայսրության անբաժանելի մասը, այնտեղ ապրող հյու-հնադանդ տարրերով, նրանց նշանաբանն էր. «Ռուսականացնել այն բոլորը, ինչ ռուսական չէ, ուղղափառացնել, ինչ ուղղափառ չէ»²⁶:

Ցարիզմը, վախենալով ռուսական առաջին հեղափոխության աճող ալիքից, որը դուրս էր եկել բուն ռուսական սահմաններից և իր արձագանքն էր պանում Անդրկովկասի ժողովուրդների մեջ, աշխատում էր աղգամիջյան կրոնիվների միջոցով շեղել մասսաների ուշադրությունը հեղափոխական գործունեությունից: «Արմենիան», քննադատելով ցարական կառավարության նրման բաղաբականությունը և հաստատելու համար իր տեսակետի իսկությունը, վկայակոչում է Մաքսիմ Գորկուն, ասելով. «Թուրքական շարժումը իր ծագումով դրված էր կառավարության կողմից, մի տեսակետ, որը իր վերջին հաստատումը ստացավ Մաքսիմ Գորկու շուրթերից»²⁷: Ցարական միապետությունը «կարծում էր,— շարունակում է «Արմենիան», — որ երկպառակություն սկսմանն էր հայերի, թաթարների և վրացիների մեջ և գրգռելով արյունալի ընդհարումներ, կարող էր խուսափել ներքին բաղաբական փոթորկիկներից, որոնք տեղի էին ունենում Կովկասում»²⁸:

Հանդեսը տեսնելով հայ և ադրբեջանցի առաջադիմ մարդկանց ջանքերը՝ կրկու ժողովուրդների պարավոր բարեկամությունը վերականգնելու և կոտորածներին վերջ տալու համար, իր ուրախությունն է հայտնում, ասելով, «ճիշտ է, Բարվում մոռումամանները հարձակվեցին հայերի վրա և կոտորած սկսվեց, էուլ տալով իր մեջ հաղաբարվոր կյանքեր..., բայց ղեկավար հայերից և մահմեդականներից կալված մի մարմին... հաստատեց խաղաղություն երկու մասերի միջև»: «Այժմ,— շարունակում է նա,— հակառակ կառավարության պոթոնությունը, թուրքերի, հայերի և վրացիների միջև հարաբերությունները ալիլի են ուժեղացել»²⁹:

XX դարի ոկյրների Անդրկովկասի և Հայաստանի բանվորա-գյուղացիական հուլումներն իրենց արտահայտությունն են գտել «Արմենիա» հանդեսում, որը դրանք արձանադրել է «Վիճակը Կովկասում» հոդվածաշարով: «Արմենիան» հայտարարում է. «Մի հեղափոխություն է պայթել և աղղբը միացել էն մեկ ընդհանուր պոթի համար: Միտինգներ են արվում Կովկասի տարբեր քաղաքներում, որտեղ բրիտանյաները և մահմեդականները կողք-կողքի բննորկում են հանրության ընդհանուր վիճակը և անց են կացնում բանաձևեր ուղղված ցարական կառավարությանը»³⁰:

25 Նույն տեղում, 1905, № 7, էջ 38:

26 «Русская мысль», 1911, № 12.

27 «Արմենիա», 1905, № 12, էջ 5:

28 Նույն տեղում, 1905, № 7, էջ 44:

29 Նույն տեղում:

30 Նույն տեղում, 1905, № 9, էջ 26:

1905—1907 թթ. հետո ցարական ինքնակալությունը արյան մեջ խեղդեց ժողովրդական շարժումները և սկսեց դաժան դատաստան տեսնել նրանց մասնակիցներին հետ։ Մեր ձեռքի տակ չունենալով հանդեսի այդ տարիների համարները, չենք կարող ասել, թե ինչպես է նա վերաբերվել ուսակցիայի այդ տարիներին, բայց 1912 թ. կրկին անդրադառնալով այդ օրերին պարբերականը դրել է. «Վերջին երեք տարիների ընթացքում հազարավոր բանվորներ խուզարկվել են և հարյուրավոր մարդիկ, ներառյալ շատ հայտնի գրողներ, պրոֆեսորներ, իրավաբաններ, բժիշկներ և առևտրականներ ձերբակալվել և նետվել են զնդաններ»³¹։

1912-ին սկսված հեղափոխական վերելքի տարիներին, երբ գործադուլի նոր ալիք էր բարձրանում Հայաստանի տարբեր քաղաքներում, պարբերականը չի անդրադարձել։ Բայց եթե այդ տարիներին հանդեսը հաղորդագրություններ չի տվել նշված դեպքերի մասին, ապա հրատարակել է Մաքսիմ Գորկու «Մարդը», «Մրկահավի երգը» գործերը, որոնք ավետում էին մոտալուտ փոթորիկը³²։

Ահա այսպես է «Արմենիան» օտար ընթերցողին ծանոթացրել հայ ժողովրդի պատմության մի նշանակալից շրջանին։

ИЗ СТРАНИЦ ЖУРНАЛА «ARMENIA»

Д. П. СРАПЯН

Р е з ю м е

Среди армянских англоязычных журналов, которые до сих пор не изучались, особое место занимает «Armenia», призванная показать цивилизованному миру прошлое и настоящее армянского народа в условиях османской действительности и обратить внимание общественности на его тяжелое положение. Журнал вскрывал также и великодержавную политику царской России.

Издаваемая с 1904 года в Бостоне, «Armenia» устами неармянских авторов знакомит иностранного читателя с методами и формами угнетения армян в Турции и царской России.

³¹ Նույն տեղում, 1912, հ. 5, № 11, էջ 336։

³² Նույն տեղում, № 7, էջ 200—201։